6/16/2017 Serif Bold UDHR - Baoulé

# Universal Declaration of Human Rights - Baoulé

© 1996 – 2009 The Office of the High Commissioner for Human Rights

This HTML version prepared by the *UDHR* in *Unicode* project, <a href="http://www.unicode.org/udhr">http://www.unicode.org/udhr</a>.

# Sran mmla mun be men nun jo bole

# Ibo bole

Ke o fin ke sran kwlakwa i sran bule o fin blolo'n ti, ke i sran-mmla o nin sran kwlakwla lie'n se'n ti, ke iso nin ye o nin foundi, nanwle atin, aklunjoe ba men nun'n ti

Kε ɔ fin kε sε be si'a sran-mmla mun, nan sε be bu'a be like fi, i sɔ nin yε ɔ fa sa tεtε yewa'n ba'nti, sangε kε ɔ fin kε be seli kε mɛn nga mɔ i nun sran mun be di be fɔundi, mɔ be kwla be kan be klunklo ndɛ, be kwla be sɔ be klunklo like, mɔ sɛkunlɛ ɔ nin yalɛ b'a jaso su, i sɔ mɛn mɔ be wan sran kundɛ i dan'n ti

Kε ɔ fin kε i dan lika nin yε le kε ɔ fata kε mmla su awa yε ɔ nian sran-mmla mun be suɔ, kε ɔ ko yo nan b'a mianmian-man sran nan w'a faman ya w'a jaso-man be nga be fa kwlalε nin sran tετε yolε be fa be tintin i su be wun'n ti

Kε ɔ fin kε like nga ɔ ti kpa dan yεlε mɛn mun b'afiɛn janvuε kekle diwa'n ti

Kε ɔ fin kε mɛn unmuan nun nvle mun be yali be wan be kan be sie su yekun kε be te lafi sran-mmla su dan, sran ɔ ti like dan, ɔ le'a gua, bla nin yasua be sɛ. Be wan i sɔ'n ti, like nga ba ko yo nan sran mun b'a nyan alaje, nan aklunjɔɛ w'a ba be wun, fɔundi nun, i sɔ like nin yɛ be wa yo'n ti

Kε ɔ fin kε nvle nga be wo anyia sɔ nun, be wan be nin like nga be flε, kε "Mɛn mun be Bo Yekun Anyia" be bo yekun be bo mandrɛn nan sran i fɔndi ɔ nin i sranmmla be kaci ninge mɔ sran kwlakwla i ti wo be bo'n ti

Kε ɔ fin kε nga ɔ ti kpa dan yεlε kε sran mun be ngba be fa be ti be wlε sran-mmla ɔ nin sran-fɔundi be bo'n ti

Anyia Dan wan ke Nde nga be ken ye'n, ɔ fata ke ɔ kaci ke like mɔ i denman ye sran kwalkwla nian; men kwlakwla be kunde be ken; ɔ ye sɔ nan men kwlakwula su sran o, men kun i siesiele ninge mun, be bu Nde Dan nga i akundan cen kwlakwla, be bo mandren ɔ nin sran mun be fluwaklele, ɔ nin ngwlele klele, be yo man sran mun be dan lika si sran-mmla ɔ nin fɔndi; ke be ko si be kpɔkun be yo bleble, men kun nun o, men ngba nun o, man sran mun be ngba be si i sɔ nde: men nga be trannin annuanze dan i ase be nun sran mun o, be nga be wo i sɔfue mun be bo'no, ɔ fata ke i sɔ sran mun be ngba be si sran-mmla ɔ nin sran-fɔundi.

# Tikle kikli

Sran mun be ngba, ke be wu be ɔ, be ngba be se, fɔndi nun, sran-mmala nun. Be si akundanbu, be si su ɔ fata ke sran mun be tran'n, be tran aniaan nun tranle.

# Tikle 2

Sran-mmla ɔ nin sran-fɔundi nga ɔ wo Ndɛ dan nun, sran kwlakwla kwla fa ye iliɛ; ɔ le'a kɛ e ti sran nvle ngunmin, kɛ e wunnɛn ti'a kun, e aniɛn ti'a kun, e bo lika ti'a kun, e like sɔwa ɔ ti i ngunmin, e politiki angundan ti'a kun, e fin'a lika kun, ɔ le'a kɛ wie ti sikafuɛ, wie ti yalɛfuɛ, kɛ wie mun be osu ti wlengbi, wie mun be osu ti kanga.

I kungba yekun, be kwla'a kpaman sran mun be nun be se'akɛ nga ti bue nga su sran, nga be wun'ɛn i liɛ wlɛ'n kpa, be wun'an mɛn nga su ɔ fin ɔ: be kwla'a be se'a sɔ, kanzɛ sran fin nvle uflɛ suo, sɛ nvle sɔ ɔ le i fɔundio, kanze i ti wo mɛn uflɛ i bo o, ɔ nunmɛn i ti bo nun tilɛ o.

Sran kwalakwla, o fata ke be sese i nguan, be wuke i o di i foundi, be sese ibobo ba unmuan.

# Tikle 4

Be kwla'a be fa-man sran be kaci'a kanga. Sran kanga yolɛ nin i fatɔ ɔ nin i ninge i fa sɔ mun be yowa, ba tanninnin be ngba be atin.

### Tikle5

Be kwla'a be ye'a sran fi like tete mun, be wle-men i bisva, be kwla'a be yo-men i ninge nga mɔ ɔ ye sran finfin, mɔ ɔ kaci sran kɛ blo nnɛn mun be sa.

### Tikle 6

Lika kwlakwla nga sran kun wo, o fata ke be bu i sran, o fin i mmla su.

# Tikle 7

Sran mun be ngba be se mmla mu be nyrun; i sɔ'n ti, ɔ fata ke mmla mun be wutu be su, be ngba. sran kwlakwla, ɔ fata ke be wuke i nan sran nun kpakpawa w'a nyen-men; sran nun kpakpawa ɔ ti ke Nde nga i gblu tɔwa sa.

### Tikle 8

Sran kwmakwla le atin o ko to iboboinvle su jole difuemun, se o fin nan be bu i anunnflin i foundi-mmla su, foundi-mmla nga be kleli i fluwa nga be fle i ke "men i takawa i bo fluwa".

# Tikle 9

Be kwla'a be tra-man sran ngben sa, be kwla'a be wle-men i bisua, be kwla'a be tu-men i men kun su ngben sa.

# Tikle 10

Se be sanman sran, nan ndrumun tran nun, nde nga ti ye be sanman i, ɔ fata ke nzraa nun, nanwle nun, jɔle difue mun, be nga be ti nun-man sran fi bo'n, mɔ be ti nanwle sran, be ye ɔ fata ke be ken i sɔ nde lie niɔn: be ye be kwla se ke se ɔ wo i nde fe su o, se kusuman, nzanman mɔ be sanmanin i, ɔ ti atin su o.

# Tikle 11

- 1. Sran kwla nga b'a sɛnmɛn i ndɛ kun ti, kɛ be nian kan ndɛ mɔ be nian bu-man, i sɔ fuɛ'n be kwla'a se'a kɛ i ndɛ yo'a fɛ. A wun kɛ be kwla be se sɔ, san b'a di jɔlɛ, be ngba be ngba be nyrun, ato a wlu'a nun, be nga be ko jrɛn i sin i ti kplilɛ b'a jran.
- 2. Be kwla-man be bu-man nde be gue'e sran kun su; se nde ti ye be senmen i, i nun nga ɔ fa ye sa sɔn, mmla wie fi, i nvle lie su mmla o, men nun mmla o, be bu'e i sɔ like lie'n ke ɔ ti like te. I ng'ɔ wuka su, yele ke alamandi nga be fu i, bisua nga be wle i, be nuan kwla'a tra-man nga be fa be yo i sɔ titi'n

### Tikle 12

Be kwla'a be wla-man be nuan sran kun i awlo nun ndɛ mun be nun ngbɛn, i awlo nun ndɛ i tranwlɛ, i fluwa nga ɔ klɛ'n, i fluwa nga be klɛ i, be kwla'a be kɛn'ɛn i wun ndɛ ngbɛn, be kwla'a be saci i dunman ngbɛn. I sɔ ninge liɛ mun be ti, ɔ fata kɛ mmla mun be sasa sran kwlakwla.

- 1. Sran kwlakwla o kwla wlanwlan sin, nvle kun nun, lika nga o klo ke o tran'n o kwla se ke wa ye n klo ke n tran.
- 2. Sran kwlakwla ɔ le atin mɔ ɔ jaso nvle kun su kɔ lika nfle; ɔ kwla jaso ibɔbɔ nvle liɛ'n su, kpɔkun ɔ kwla sɛ i sin ɔ ba i nvle liɛ'n nun yekun.

# Tikle 14

- 1. Se nvle kun su be kle sran kun yale, sran so'n o le atin o ko mantan nvle ufue mo o kwla so i nun on.
- 2. Sange i so atin lie'n, wo nga a ye sa tete mo o ko-man Men b'Anyia be nde lie su'n, wo nga a ye i so sa te mo fata ke be sanman wo'n, sa kpa, a kwla'a a jren-meen i so atin su kan-man nde.

### Tikle 15

- 1. Sran kwlakwla ο le atin mo ο nyen i auliε nvle
- 2. Be kwla-man be se-man sran kun kɛ, ɔ fin andɛ a le'a auliɛ nvle wie kun, i sa sɔ ngbɛn; kusuman, sɛ sran kun wan ɔ kaci i auliɛ nvle, ɔ le atin kaci.

# Tikle 16

- 1. Ke be ko nyin yasua kun ɔ nin bla kun, be le atin be ja be wun, be taka be awlo; ɔ fata ke nde ke nvle ufle nun sran, men ufle nun sran, like sɔwa wafa ufle sran, ɔ fata ke i sɔ angundan wlu nun. Be aja nun, be nyɔn be sɛ; be nun kun se'a ke ɔ tin kun su: i ble nga be ja o, ke be titi aja nun o.
- 2. A wun ke be ja'n, uun be nyon be nuan w'a yekun, be klun klo su.
- 3. Awlo bo ɔ ti kɛ ananganman like sa, yɛ ɔ ti nvle kun su sa i olui niɔn; ɔ fata kɛ nvle ɔ nian su kɛ i nyima sa, kɛ awa wukɛ i.

# Tikle 17

- 1. Sran kwlakwla, i kungba anze, ɔ nin sran ufle mun anze, ɔ kwla le i ti bɔ nun like.
- 2. Be kwla'a le'a sran fi i ti bo nun like i sanun.

# Tikle 18

Sran kwlakwla o le atin mo o bu i ti bo nun angundan, o nyen i klun nde, o kwla so i like wafa nga o klo i'n; ke o fin i le kusuman, se i wan o kaci nan o so like ufle'n, se i wan o bu akundan ufle'n, o le atin o kaci. Se i wan i klun akundan lie'n, i like sowa lie'n, se i wan o bo be jo, i ba kungba o, o nin sran ufle mun o, o le atin o bo be jo; se kusu i wan o ye i like aswre nun, o le atin yo. I kwlaa ngo'le, o kwla kle i fluwa nun, o kwla yo like kwlakwla nga fata ke o yo; sran fi kwla'a tannin i atin.

### Tikle 19

Sran kwlakwla ɔ le atin ɔ bu i bɔbɔ ti bo nun akundan, ɔ kɛn i klun ndɛ nga i wan ɔ kan'n. I sɔ i sin yɛle kɛ sɛ ɔ kɛn i klun ndɛ'n, be kwla-man be kle'ɛ i yalɛ; i sin nin yɛle kɛ ɔ le atin kundɛ ndɛ mun be tilɛ; i kusuman kwla bo ndɛ ɔ nin nzɛbua mun be jɔ kle sran mun; like kwlakwla nga ɔ kwla fa bo i sɔ jɔlɛ liɛ, ɔ fa bo; ɔ nunman i ti nun kaan kɛ awɛ wo nyle mun b'afiɛn.

### Tikle 20

- 1. Sran kwlakwla ɔ le atin ɔ nin sran ufuɛ mun be ya anyia; ɔ kwla wlu anuanzɛ nga ɔ ti'a nzaje anuanzɛ nun.
- 2. Be kwla'a be mianmian-man sran kun ο wlu-man anuanzε kun nun.

- 1. Sran kwlakwla ɔ le atin mɔ, i bɔbɔ i nvle liɛ'n su, ɔ tran awa i juman be ti, sɛ nɛn i bɔbɔ trele sa, ɔ kwla yo i janunfuɛ.
- 2. Sran kwlakwla o le atin, nán ndrunmun kan tran nun, mo di i bobo i nvle'n su awa juman.
- 3. Nvle kun su i sran unmwah mun, be ye be man nvle so i su gbengben be fangan. I so'n ti, ɔ fata ke be yo manwle nun vote, nan sran mun be nde nga ɔ wo be klun, b'afe i sɔ b'a kan vote'n le nuan; ke i nuan ko ju'n, ɔ fata ke ɔ sen i wun; sran ngba vote o, aswre vote o; i kwlaa nga ɔ yo ɔ, vote i yowa, nan mianmianle tran nun, sran kun i klun vote ye ɔ vote ɔ.

# Tikle 22

Sran kwlakwla, ke mɔ ɔ ti nvle kun su sran'n, ɔ fata ke ɔ nyan awa sran anwukalelike, ɔ le awunnyanmblusue atin, awasranwukale atin, be nyin su yiyile ninge atin; i sɔ ninge mun yɛ be ti sran kwlaa cinjin, be yɛ be yi sran i sran lika nglo ɔ, be yo i fɔundi-mmla be dan; i sɔ'n fin nvle kun i mandrɛn bowa nun, ɔ fin mɛn mun be wun wukawa nun, ɔ fin nvle kun i siesiewa nun, ɔ fin nvle kun i nun anyanbewun ninge mun nun.

# Tikle 23

- 1. Sran kwla ɔ le atin mɔ ɔ di i bɔbɔ i klunklo juman, juman i fa diwa ɔ nin i akatua be ti i klunsu; ɔ fata kε be nian i su, nɑn man ɔ tran sa ngbɛn kɛ ɔ nyan-man juman
- 2. Sran kwlakwla i juman nga ɔ di, i su sika cɛ yɛ ɔ fata kɛ be mɛn i ɔ, ɔ le'a kɛ sran kun ɔ le i akatua, sran kun ɔ le i akatua
- 3. Sran kwlakwla, ke ɔ di juman'a ɔ fata ke i akatua nga be tue i'n, ɔ ju i bɔbɔ, i yi ɔ nin i mma mun be wun siesiele ke ɔ fata ke sran fa siesie i wun sa. Se akatua sɔ'n ju-man, awa wuka suɔ ɔ yo ye.
- 4. Sran kwlakwla o nin i wiengu mun be kwla be taka jumandile anuanze, sran kwlakwla o kwla wlu i so anuanze lie nun o fa kpli i like nga o lo i i ti.

# Tikle 24

Sran kwlakwla, ke ɔ di juman'n, ɔ le atin ɔ lo unmiɛn, ɔ le blɛ wie ɔ ɔ yiyi i nyisu ɔ. ɔ fata ke dɔ nga mɔ ɔ fa di juman, nan ɔ cɛ ngboko; yɛ afuɛ kun nun i blɛ mɔ ɔ di'a juman, ɔ fata ke be tuɛ i kalɛ.

### Tikle 25

- 1. Sran kwlakwla o fata ke i sa nun yo fe nan w'a kwla w'a ye i wun ayre, w'a kwla w'a siesie i wun, i bobo nin i yi nin i mma mun, ke o ti ke alie dile lie'n, trale wlawa'n, lawle'n, be wun ayre yele'n, ble mo o di'a juman'n, mo o to tukpakie'n, se o kwla'a nun'n, se o wo angbeti nun'n, se w'a yo oke'n; sa yale kwlakwla nga o to i su mo i sa nun a wie'n, o fata ke awa wuke i.
- 2. Blata ɔ nin ba kangan mun, ɔ le be wukalɛ liɛ'n mɔ awa wuka be ɔ. Ba kangan kwlakwla, kanzɛ be wu be gua su o, kanzɛ be wu be aja nun o, be kwlakwla ɔ fata kɛ awa sasa be.

# Tikle 26

- 1. Sran kwlakwla ola atin mo be kle i fluwa. Sran fluwa klele'n, ke o fa ju ke sua blu su'n, sika tuale nun-man nun. o fata ke ba kangan mun be ngba be ko suklu, be nun kun le'e ti ke o ko-man. Sukln nga be kle blale juman nin juman dile nun, i so suklu'n, o fata ke o tru; suklu dandan mun be nun wlule i atin, o fata ke be tike man sran kwlakwla; be kpa'a sran mun be nun, sran kun o nin i like lie mo o kwla yo o.
- 2. ɔ fata kɛ fluwa klelɛ ɔ yi sran i sran lika i nglo, ɔ yo man sran mun be bo nyan, ɔ yo man be nyin yi sranmıla mun ɔ nin fɔundi-mmla nga ɔ ti fɔundi-mmla be bɔ'n. Fluwa klelɛ ɔ fata kɛ ɔ yo man ndidiɛ ba sran mun b'afiɛn, ɔ yo man sran mun be yaci sran kun nun ɔ yo i klunklo ninge, man janvuɛ dilɛ ɔ ba mɛn mun b'afiɛn, sran nvle mun b'afiɛn, like sɔfuɛ mun be wafa b'afiɛn. Fluwa klelɛ i kungba yekun, ɔ fata kɛ ɔ man "Mɛn mun be Bo Yekun Anyia" be ninge nga mɔ be yo mɔ alaje ko cɔ mɔn nun.
- 3. Sie mun o nin nien mun, be ye o fata ke be kunde fluwa i klele wafa nga o nin be mma mun fata o.

- 1. Sran kwlakwla ɔ le atin mɔ, i nvle liɛ'n su ninge mɔ ɔ ti kɛ be nyin su yiyiwa ninge, be sa ti ninge, aguin ninge, ɔ le atin ɔ ye i sɔ ninge wie, ɔ le atin ɔ di su wie; ɔ le atin ɔ wuka be yo be nyrun kɔlɛ ninge mun; afin sɛ mblusuɛ fite su, ɔ le atin di wie.
- 2. Sran kun, se o di i be nyrun, kole aguin juman, o klei fluwa, o di aguin nan se i duman fite su o, i mblnsne fite suo o ti ilie.

# Tikle 28

Sran kwla ɔ le atin ɔ kunde kɛ sran mun b'afiɛ, mɛn mun b'afiɛn ɔ ye flɔlɔɔ, i sɔ nan sran-mmla ɔ nin fɔundi nga be kan be ndɛ Ndɛ nga nun, b'a su mma.

# Tikle 29

- 1. Sran kun, ɔ fata kɛ ɔ yo like mɛn i nvle mɔ i nun yɛ i bɔbɔ ɔ kwla di i fɔundi, ɔ kwla bo nyan.
- 2. Sran i sran-mmla nin i foundi su dile o le'a awielie ufle, san awielie nga i nve su mmla mun be sieli ke o fata'a ke sran kun i sran-mmla nin i foundi su dile o tannin sran ufle mun be lie atin. I so nin ye man be kwla fa atin ndenman kpa su, aunjoe o ba nvle nga mo i su kpen siele o wo sran kwlakwla sa nun nun.
- 3. Sran-mmla nin foundi ng'ole be kwla'a fa-man be yo'a like fi mo o kaci i sin si Men mun be Bo Yekun Anyia be atin lie'n

# Tikle 30

Awa kun, sran akpasua, sran kun, be kwla'a be jran-man dε nga i nun tre ba kun su be se'a kε be le atin mɔ be di juman wie, be yo ninge wie mɔ ɔ ti sran-mmla nin fɔndi nga be wo yε be sakiwa.